



# კანონთა და განკარგულებათა კრებული

ამიერკავკასიის სოციალისტური ფედერაციული საბჭოთა რესპუბლიკის  
მუშათა და გლეხთა მთავრობისა.

1931 წლის  
ნოემბრის 30.

№ 22  
განყოფილება პირველი

ა/კსფსრ სახალ. კომისართა  
საბჭოს საქმეთა მმართვე-  
ლობის მიერ გამოცემული:

შ ი ნ ა რ ს ი :

დადგენილებანი ა/კსფსრ სახალხო კომისართა  
საბჭოსი.

- მუხ. 244. ა/კსფსრ სახალხო კომისართა საბჭოსთან მიწგეჩაურის წყალთსაცავის მშენებლობასთან დაკავშირებული საკითხების შესასწავლად და გადასაწყვეტად ამიერკავკასიის კომიტეტის მოწყობის შესახებ.
- „ 245. „ხეტყის დამზადებისა და გამოზიდვის გაძლიერების ღონისძიებათა თაობაზე“ გამოცემული ა/კსფსრ სახალხო კომისართა საბჭოს 1931 წ. ოქტომბრის 16-ის დადგენილებისათვის მე-41 მუხლის დამატების შესახებ.
- „ 246. არადასასწრებ სწავლების დაფინანსების შესახებ.
- „ 247. ა/კსფსრ შრომის სახალხო კომისარიატის სოციალური დაზღვევის ამიერკავკასიის კომიტეტთან სოციალურ-პროფილაქტიკურ დაწესებულებათა სამმართველოს მოწყობის შესახებ.
- „ 248. დაწესებულებებში წყვეტილი საწარმოო კვირის შემოღების შესახებ.

დადგენილება ა/კსფსრ სახალხო კომისართა  
საბჭოსი

**244.** ა/კსფსრ სახალხო კომისართა საბჭოსთან მიწგეჩაურის წყალთსაცავის მშენებლობასთან დაკავშირებული საკითხების შესასწავლად და გადასაწყვეტად ამიერკავკასიის კომიტეტის მოწყობის შესახებ.

ა/კსფსრ სახალხო კომისართა საბჭო აღდგენს:

რადგანაც მიწგეჩაურის წყალთსაცავის მშენებლობას დიდი სახალხო-სამეურნეო მნიშვნელობა აქვს როგორც ირრიგაციისა, ისე ენერგეტიკისა და მდინარე მტკვრის სამდინარეო ნაოსნობისათვის, — ა/კსფსრ სახალხო კომისართა საბჭოს-

თან მოწყობილ იქნეს, აზერბაიჯანის სსრ სახალხო კომისართა საბჭოს თავმჯდომარის ამხ. ბუნიათ-ზადეს თავმჯდომარეობით, ამიერკავკასიის კომიტეტი მდინ. მტკვარზე მინგეჩაურის წყალთსაცავის მშენებლობასთან დაკავშირებული ყველა საკითხის შესასწავლად და გადასაწყვეტად და ამ მშენებლობის პრობლემების დამუშავებისათვის ხელმძღვანელობის გასაწყვეად; კომიტეტი იმყოფება ქ. ბაქოში.

ა/კსფსრ სახალხო კომისართა საბჭოს  
თავმჯდომარის მოვ. აღმსრ. გ. ვეზიროვი.

ა/კსფსრ სახალხო კომისართა  
საბჭოს საქმეთა მმართველი ა. შავერდოვი.

1931 წ. ნოემბრის 6.

№ 429. .

ტფილისი.

**დადგენილება ა/კსფსრ სახალხო კომისართა  
საბჭოსი.**

**245.** „ხეტყის დამზადებისა და გამოზიდვის გაძლიერების ღონისძიებათა თაობაზე“ გამოცემული ა/კსფსრ სახალხო კომისართა საბჭოს 1931 წ. ოქტომბრის 16-ის დადგენილებისათვის მე-4<sup>1</sup> მუხლის დამატების შესახებ.

ა/კსფსრ სახალხო კომისართა საბჭო აღდგენს:

ა/კსფსრ სახალხო კომისართა საბჭოს 1931 წ. ოქტომბრის 16-ის დადგენილებას „ხეტყის დამზადებისა და გამოზიდვის გაძლიერების ღონისძიებათა შესახებ“ (ა/კსფსრ კან. კრ. 1931 წ. მე-20 №-ი, მუხ. 238 და „ზარია ვოსტოკა“-ს 294 №-ი 1931 წ. ოქტომბრის 25-სა) დამატოს მე-4<sup>1</sup> მუხლი შემდეგი შინაარსისა:

„მუხ. 4<sup>1</sup>. კოლექტიური მეურნეობების მიერ მუშა-ძალის შემზადებისა და მზადებაზე წარმართვის სტიმულირებისათვის წინადადება მიეცეს ყველა ხეტყის დამზადებელ ორგანიზაციას დააწესოს კოლექტიური მეურნეობებისათვის შემდეგი პრემიები და შეღავათები:

ა) კოლექტიური მეურნეობების გადიდებული დაპრემირება იმ კოლმეურნეთა რიცხვის შესაბამისად, რომელთაც სატყეო-სამეურნეო ორგანიზაციებთან დასდევს გარე-სამეშაოზე გასვლის ხელშეკრულებები;

ბ) ფულადი პრემია იმ კოლექტიური მეურნეობებისათვის, რომელთაც შესასრულეს ხეტყის დამზადებისა და გამოზიდვის საწარმოო დავალებანი; დავალების გადამეტებით შემსრულებელი კოლმეურნეობებისათვის დაწესებულ იქნეს გადიდებული რაოდენობის პრემია;

გ) ხეტყის პროდუქციის მიცემა კოლექტიური მეურნეობის ხვედრი ფულადი პრემიის ნაცვლად და სასყიდლით ხეტყის პროდუქციის მიცემა კოლმეურნეთა ფაქტიური საშოვარის 5%-ის რაოდენობით.

ა/კსფსრ სახალხო კომისართა  
საბჭოს თავმჯდომარე გ. მუსახეკვი.

ა/კსფსრ სახალხო კომისართა  
საბჭოს საქმეთა მმართველი ა. შავერდოვი.

1931 წ. ნოემბრის 17.

**№ 422.**

ტფილისი.

გამოქვეყნებულია „ზარია ვოსტოკა“-ს 316 №-ში 1931 წ. ნოემბრის 23-ს.

## დადგენილება ა/კსფსრ სახალხო კომისართა საბჭოსი.

### **246.** არადასასწრები სწავლების დაფინანსების შესახებ.

ა/კსფსრ სახალხო კომისართა საბჭო ადგენს:

1. მასსური კადრების კვალიფიკაციის წარმატებისათვის არადასასწრები სწავლებით მომზადებას და აგრეთვე სახალხო მეურნეობისათვის საშუალო და უმაღლესი კვალიფიკაციის სპეციალისტების გარდამზადების მოკლევადიან არადასასწრებ კურსებს დაფინანსებენ სამეურნეო ორგანიზაციები საბუშაო ხელფასის იმ დანარიცხების ანგარიშზე, რაც დაწესებულია სსრკ-ის სახალხო კომისართა საბჭოს 1931 წ. აპრილის 27-ის დადგენილებით მეშუა-ძალის მასსური მომზადებისა და სპეციალისტების დამატებითი სწავლების დაფინანსებისათვის (სსრკ კან. კრ. 1931 წ. 26 №-ი, მუხ. 213).

აღნიშნული დანარიცხებით დაიფარება მიმდინარე საადმინისტრაციო-სამეურნეო და სასწავლო ხარჯები (სამუშაო ხელფასი, საადმინისტრაციო, სამეურნეო და სპეციალურ-ოპერატიული ხარჯები), ხოლო ბატერიალური უზრუნველყოფისა, საწარმოო პრაქტიკისა და სხვა მისთ. ხარჯები—ამ კადრების მომზადებელ სასოფლო-სამეურნეო საწარმოთა სახსარით.

2. არადასასწრები სწავლების მოწყობა უშუალოდ თვით საწარმოში, არადასასწრები სწავლების განყოფილების შენახვა (კონსულტაცია, სათვალსაჩინო ხელსაწყოთი უზრუნველყოფა და სხვ. მისთ.) საწარმოებს სათანადო საწარმოთა სახსარით ამა დადგენილების მე-2 მუხ. აღნიშნული სამუშაო ხელფასის დანარიცხების ანგარიშზე.

3. სახსარი კადრების არადასასწრები სწავლებით მომზადებისათვის სამუშაო ხელფასის დანარიცხების ანგარიშზე გაიცემა ხელშეკრულებების საფუძ-



ველზე, რასაც სამეურნეო ორგანოები დასდებენ არადასასწრები სწავლების გან-  
მახორციელებელ სათანადო სასწავლებლებთან.

4. კადრების არადასასწრები სწავლებით მომზადებისათვის საჭირო მუშაო-  
ბის გასაუმჯობესებლად, ამ მუშაობის სასწავლებლებში გვემიან გასაშლელად,  
აგრეთვე სწავლების თვისებისათვის კონტროლის დასაწესებლად შემოღებულ  
იქნეს ხელშეკრულებების სავალდებულო დადება სამეურნეო ორგანოებსა და სა-  
თანადო სასწავლებლებს შორის.

5. წინადადება მიეცეს იმ სამეურნეო ორგანიზაციებს, რომელთაც განაც-  
ხადეს თანხმობა არადასასწრები სწავლების დაფინანსებაზე და დასდგეს სათა-  
ნადო ხელშეკრულებები, დაუყოვნებლივ შეიტანონ თავიანთი ხვედრი თანხები.

ა/კსფსრ სახალხო კომისართა  
საბჭოს თავმჯდომარე გ. მუსხაბეკოვი.

ა/კსფსრ სახალხო კომისართა  
საბჭოს საკმეთა მმართველი ა. შავერდოვი.

1931 წ. ნომბრის 17.

**№ 426.**

ტფილისი.

გამაჩვენებელია „ზარია ვოსტოკა“-ს 326 №-ში 1931 წ. დეკემბრის 5-ს.

### დადგენილება ა/კსფსრ სახალხო კომისართა საბჭოსი.

**247.** ა-კსფსრ შრომის სახალხო კომისარიატის სოციალური დაზ-  
ღვევის ამიერკავკასიის კომიტეტთან სოციალურ-პროფილაქ-  
ტიკურ დაწესებულებათა სამმართველოს მოწყობის შესახებ.

ა/კსფსრ სახალხო კომისართა საბჭო ადგენს:

1. სოციალური დაზღვევის ამიერკავკასიის კომიტეტის გამგებლობაში იმ-  
ყოფება სოციალურ-პროფილაქტიკურ დაწესებულებათა სამმართველო.
2. აღნიშნული სამმართველო დამოუკიდებელი სამეურნეო ერთეულია, რო-  
მელიც მოქმედობს სამეურნეო ანგარიშის საფუძველზე.
3. სამმართველოს აქვს იურიდიული პირის უფლებანი.
4. სოციალურ-პროფილაქტიკურ დაწესებულებათა სამმართველოს ძირი-  
თად აპოცანებს შეადგენს:

ა) განახორციელოს სოციალური დაზღვევის ორგანოების სოციალურ-  
პროფილაქტიკური ღონისძიებანი ა/კსფსრ შრომის სახალხო კომისარიატის სო-  
ციალური დაზღვევის ამიერკავკასიის კომიტეტის დაწესებულებებში;

ბ) მოაწიოს ა/კსტსრ ფარგლებში სოციალურ-პროფილაქტიკური დაწესებულებანი და დამხმარე საწარმონი და მეურნეობანი;

**შენიშვნა.** ა/კსტსრ შედგენილობაში შემავალ რესპუბლიკებში სოციალურ-პროფილაქტიკურ დაწესებულებათა და დამხმარე საწარმოთა და მეურნეობათა მოწყობა დაეტოვებათ დამზღვევ სალაროებს;

გ) შეადგინოს დაწესებულებათა, საწარმოთა და მეურნეობათა საწარმო-საფინანსო გეგმები და აგრეთვე კაპიტალური მშენებლობის გეგმები.

5. საწესდებო კაპიტალის რაოდენობას და აგრეთვე მისი დაფარვის წესს განსაზღვრავს ა/კსტსრ შრომის სახალხო კომისარიატი ა/კსტსრ ფინანსთა სახალხო კომისარიატთან შეთანხმებით.

ა/კსტსრ სახალხო კომისართა

საბჭოს თავმჯდომარე **გ. მუსაბეკოვი.**

ა/კსტსრ სახალხო კომისართა

საბჭოს საქმეთა მმართველი **ა. შავერდოვი.**

1931 წ. ნოემბრის 26.

**№ 425.**

ტფილისი.

## დადგენილება ა/კსტსრ სახალხო კომისართა საბჭოსნი.

**248.** დაწესებულებებში წყვეტილი საწარმოო კვირის შემოღების შესახებ.

ა/კსტსრ სახალხო კომისართა საბჭოს შეუწყვეტელი ხუთდღიანი საწარმოო კვირა მიაჩნია შრომის ორგანიზაციის ძირითად ფორმად, ხოლო ა/კსტსრ დაწესებულებებსა და ორგანიზაციებში შეუწყვეტელი საწარმოო კვირის გატარების დროს მომხდარ ნაკლთა გამოსწორების მიზნით იგი აღგენს:

1. დატოვებულ იქნეს შეუწყვეტელ საწარმოო კვირაზე ყველა ის დაწესებულება და ორგანიზაცია, რომელიც უშუალოდ დაკავშირებულია შეუწყვეტლად მომუშავე საწარმოსთან, და აგრეთვე მოსახლეობის კულტურულ-საყოფაცხოვრებო საჭიროებათათვის მომსახურების გამწვევ დაწესებულებები და ორგანიზაციები (კოოპერატივები, სახელმწიფო მაღაზიები, სასადილოები, საავადმყოფოები, წყალსადენები, სახანძრო კომანდები, საცნობებო ბუროები, თეატრები კლუბები და სხვა მისთ.).

2. სახალხო კომისარიატები და სხვა დაწესებულებები და ორგანიზაციები დროებით გადავიდნენ ექვსდღიან წყვეტილ კვირაზე.

3. ექვსდღიან წყვეტილ კვირაზე გარდამავალ დაწესებულებებსა და ორგანიზაციებში დადგენილ იქნეს შემდეგი გამოსასვლელი დღეები: ყოველი თვის 6, 12, 18, 24 და 30 რიცხვი.

**შენიშვნა.** თებერვლის ბოლოს მისაცემი გამოსასვლელი დღის ნაცვლად, გამოსასვლელი დღე მიიცემა მარტის 1-ს.

4. ექვსდღიან წყვეტილ კვირაზე გადასულ დაწესებულებებსა და ორგანიზაციებში სამუშაო დღე 7 საათიდან შემცირებულ იქნეს 6 საათსა და 30 წამამდე, მუშაობის შეწყვეტისათვის ნახევარი საათის ჩათვლით.

5. წინადადება მიეცეს ექვსდღიან წყვეტილ კვირაზე გარდამავალ დაწესებულებებსა და ორგანიზაციებს—დააწესონ აპარატის სათანადო ნაწილის მორიგება.

6. ამიერკავკასიის სახალხო კომისარიატები, დაწესებულებები და ორგანიზაციები გადავიდნენ ექვსდღიან წყვეტილ კვირაზე 1931 ნოემბრის 30-დან.

7. წინადადება მიეცეს ა/კსფსრ შედგენილობაში შემავალი რესპუბლიკების სახალხო კომისართა საბჭოებს გამოსცენ ზემოხსენებულის საფუძველზე სათანადო დადგენილებები და, ამა დადგენილების 1-ლი მუხლის შესაბამისად, განსაზღვრონ ექვსდღიან წყვეტილ კვირაზე გადასასვლელი დაწესებულებებისა და ორგანიზაციების ნუსხა.

8. ა/კსფსრ შრომის სახალხო კომისარიატმა და მისმა ადგილობრივმა ორგანოებმა თვალყური ადევნონ ამა დადგენილების შესრულებას.

ა/კსფსრ სახალხო კომისართა

საბჭოს თავმჯდომარე გ. მუსხაბეკოვი.

ა/კსფსრ სახალხო კომისართა

საბჭოს საკმეთა მმართველი ა. შავერდოვი.

1931 წ. ნოემბრის 27.

**№ 430.**

ტფილისი.

გამოქვეყნებულია „ზარია ვოსტოკა“-ს 320 №-ში 1931 წ. ნოემბრის 28-ს.